

Garis Panduan Konvensyen KIK JKR Malaysia 2019



GARIS PANDUAN KONVENSYEN KIK JKR MALAYSIA 2019

1. PENGENALAN

Garis panduan ini bertujuan untuk menggariskan tatacara permohonan penyertaan ke Konvensyen Kumpulan Inovatif dan Kreatif (KIK) peringkat JKR Malaysia. Garis panduan ini adalah selaras dengan Pekeliling Transformasi Pentadbiran Awam Bil. 1 Tahun 2016 – Panduan Pembudayaan dan Pemerkasaan Inovasi dalam Sektor Awam melalui Horizon Baharu Kumpulan Inovatif dan Kreatif yang dikeluarkan oleh Unit Pemodenan Tadbiran dan Perancangan Pengurusan Malaysia (MAMPU) pada tahun 2016 bagi menggantikan Pekeliling Kemajuan Pentadbiran Awam Bilangan 7 tahun 1991- Panduan Mengenai Kumpulan Meningkatkan Kerja (KMK) dan Garis Panduan Mengenai Kumpulan Inovatif dan Kreatif (KIK) pada tahun 2009.

2. OBJEKTIF

Objektif Konvensyen KIK JKR adalah untuk:

- i. Memberi penghargaan dan pengiktirafan kepada warga JKR yang terlibat dalam KIK dengan memberi peluang kepada kumpulan KIK membuat persembahan dan seterusnya secara langsung memberi kebaikan dan menaikkan imej jabatan;
- ii. Memupuk dan menyemarakkan budaya kreatif dan inovatif dalam cara kerja yang diamalkan;
- iii. Meningkatkan penyertaan semua peringkat anggota dan bahagian dalam jabatan dalam aktiviti penambahbaikan sistem penyampaian perkhidmatan;
- iv. Memperkenalkan dan menyebarkan hasil-hasil inovasi yang telah dilaksanakan dan terbukti mendatangkan manfaat agar dapat dicontohi dan diamalkan di seluruh JKR Malaysia dan agensi lain di dalam dan di luar negara amnya; dan
- v. Menyumbang kepada peningkatan kualiti penyampaian perkhidmatan kepada pelanggan.

3. BIDANG INOVASI

- i. Bidang Inovasi Sosial

Kaedah penyelesaian baharu (idea, model dan perkhidmatan) yang mampu memenuhi kepentingan sosial dengan lebih berkesan dan mengutamakan **penglibatan rakyat**.

- ii. Bidang Inovasi Penyampaian Perkhidmatan

Terjemahan idea baru yang kreatif dan inovatif untuk mentransformasikan penyampaian perkhidmatan kerajaan.

4. JENIS - JENIS INOVASI

i. Inovasi Penciptaan

Penciptaan suatu produk, perkhidmatan atau proses yang baharu dan belum pernah dilaksanakan di Malaysia

ii. Inovasi Penambahbaikan

Penambahbaikan sesuatu produk, perkhidmatan atau proses sedia ada melalui kaedah yang inovatif agar menjadi lebih berkualiti serta berdaya saing

5. KATEGORI PERTANDINGAN KIK

5.1 Inovasi Sosial

Inovasi sosial merangkumi kaedah penyelesaian baharu (idea, model dan perkhidmatan) yang mampu memenuhi kepentingan sosial dengan lebih berkesan dan mengutamakan penglibatan rakyat. Fokus pelaksanaan inovasi sosial tidak hanya kepada pencapaian impak sosial semata – mata, malah memberikan penekanan kepada proses penglibatan rakyat dalam membangunkan sesuatu inovasi

5.2 Inovasi Peryampaian Perkhidmatan

i. Kategori Teknikal

Sesuatu projek teknikal ialah projek yang menggunakan bidang pengetahuan yang tertentu seperti kejuruteraan, seni perusahaan (industrial arts) dan sains gunaan (applied sciences). Masalah yang dikenal pasti dan yang telah diselesaikan oleh kumpulan adalah masalah yang berhubung kait dengan bidang yang dinyatakan. Cadangan penyelesaian yang dikemukakan dan dilaksanakan juga adalah dalam bidang yang sama. Contoh projek teknikal ialah penciptaan peralatan baru, pengubahsuaian rekabentuk peralatan lama kepada yang baru, pembangunan sistem komputer, perubahan dalam penggunaan bahan atau komponen kimia dan pewujudan kaedah teknikal baru.

ii. Kategori Pengurusan

Sesuatu projek yang bukan teknikal akan dimasukkan di bawah kategori pengurusan. Projek-projek di bawah kategori ini adalah yang berkaitan dengan penyelesaian masalah-masalah pentadbiran atau pengurusan sistem dan prosedur kerja. Contoh projek dalam kategori ini ialah penggabungan borang permohonan, komposit lesen, pengenalan borang baru, pelaksanaan prosedur kerja baru, pengenalan sistem kerja yang baru atau pengubahsuaian sistem lama kepada yang baru yang boleh menjimatkan

masa, meningkatkan produktiviti atau hasil kerja, meningkatkan tahap kepuasan hati pelanggan atau meningkatkan kutipan hasil kerajaan.

6. PEMBENTUKAN KUMPULAN

i. KIK Primer

Sekumpulan kakitangan yang terdiri daripada **sekurang-kurangnya dua (2) orang** tetapi **tidak melebihi sepuluh (10) orang** daripada **agensi sama** yang bekerjasama untuk melaksanakan projek KIK

ii. KIK Hibrid

Sekumpulan kakitangan terdiri daripada **dua (2) atau** lebih Kementerian/Jabatan/Agensi yang **berlainan fungsi**. Gabungan beberapa Kementerian/Jabatan/Agensi ini akan melaksanakan projek KIK yang melibatkan isu/masalah/perkara yang berkaitan di antara Kementerian/Jabatan/Agensi terlibat. **Bilangan ahli tertakluk pada skala, kos, kategori projek dan dipersetujui oleh pihak yang melaksanakan projek.**

7. SYARAT-SYARAT PENYERTAAN

Syarat-syarat penyertaan seperti berikut:

- i. Penyertaan adalah terbuka kepada semua Kumpulan Inovatif dan Kreatif (KIK) diperingkat Cawangan/Negeri/Daerah.
- ii. Setiap Cawangan/Negeri/Daerah dibenarkan untuk mencalonkan satu (1) kumpulan dari Kategori Inovasi Sosial, satu (1) kumpulan dari Kategori Inovasi Penyampaian Perkhidmatan (Pengurusan), dan satu (1) kumpulan dari Kategori Inovasi Penyampaian Perkhidmatan (Teknikal). Penetapan kategori ini adalah berdasarkan kriteria projek.
- iii. Kumpulan KIK yang dicalonkan mestilah merupakan Kumpulan KIK yang telah mempersembahkan projek mereka kepada pengurusan JKR diperingkat masing-masing.
- iv. Projek KIK yang dikemukakan hendaklah merupakan projek yang belum pernah dipertandingkan dalam mana-mana Konvensyen KIK JKR Malaysia. (Atau dikenali dengan Konvensyen KMK sebelum ini)
- v. Projek KIK hendaklah telah selesai dilaksanakan sebelum konvensyen pada tahun semasa.
- vi. Bilangan ahli bagi setiap kumpulan adalah sekurang – kurangnya 2 orang tetapi dihadkan kepada 10 orang sahaja termasuk ketua kumpulan.

- vii. Pihak Urus Setia Konvensyen KIK JKR Malaysia pada bila-bila masa berhak untuk membuat sebarang pindaan terhadap mana-mana bahagian pada mana-mana syarat penyertaan tanpa perlu merujuk kepada peserta.
- viii. Pihak Urus Setia berhak menerima atau menolak penyertaan dari mana-mana kumpulan KIK berdasarkan syarat-syarat yang telah ditetapkan dan juga di atas kuasa pertimbangan (sekiranya perlu). Keputusan pemilihan kumpulan-kumpulan untuk menyertai Konvensyen oleh pihak Urus Setia adalah muktamad.

8. PENILAIAN PROJEK

Ringkasan penilaian dan pemarkahan projek adalah seperti di **Jadual 1** dan diterangkan secara terperinci di perkara 8.1 dan 8.2.

BIL	KATEGORI PENILAIAN	TEMPOH	MARKAH	KETERANGAN	CATATAN
1.	Penilaian Melalui Dokumentasi Projek		80%	-	Sebelum Konvensyen
2.	Sesi Pembentangan Pembuktian	10 minit	20%	Penilaian ke atas keberkesanan pembuktian projek	Semasa Konvensyen
3.	Sesi Soal Jawab	15 minit		Panel penilai akan mengemukakan soalan bagi memohon penjelasan lanjut daripada kumpulan yang bertanding	

Jadual 1: Ringkasan penilaian dan pemarkahan projek

8.1 PENILAIAN DAN PEMERIKSAAN MELALUI DOKUMENTASI PROJEK

- i. Semua teks projek kumpulan yang diterima akan diteliti dan dinilai oleh Panel Penilai yang dilantik oleh JKR Malaysia. Hanya 5 kumpulan dari setiap kategori akan disenarai pendek untuk menyertai Konvensyen KIK JKR Malaysia dan kumpulan yang terpilih akan dimaklumkan. Keputusan Pasukan Panel Penilai Konvensyen KIK adalah muktamad.
- ii. Teks projek bagi 15 kumpulan yang terpilih menyertai Konvensyen akan dinilai pula oleh Panel Penilai yang dilantik oleh JKR Malaysia sebelum konvensyen mengikut kriteria dan skema pemarkahan seperti di **Lampiran J1**.

8.2 PENILAIAN SEMASA KONVENSYEN

a) Sesi Pembentangan Pembuktian

- i. Semua kumpulan dikehendaki bersiap sedia 5 minit lebih awal dari masa yang telah ditetapkan dalam Jadual Pembentangan KIK.
- ii. Sebagai panduan, pembentangan video (sekiranya ada) adalah dihadkan **tidak melebihi 2 minit** dan dihantar .
- iii. Tempoh masa pembentangan projek untuk setiap kumpulan adalah selama **10 minit**. Masa pembentangan akan bermula selepas perkataan pertama disebutkan oleh kumpulan.
- iv. Sekiranya tiada permulaan oleh kumpulan, loceng/ buzzer permulaan akan dibunyikan setelah tamat 5 minit masa persediaan. Loceng kedua akan dibunyikan setelah cukup 8 minit; dan loceng/ buzzer penamat akan dibunyikan setelah cukup 10 minit pembentangan.
- v. Penilaian akan dijalankan oleh ahli-ahli Panel. Keputusan Panel Penilai adalah muktamad.
- vi. Kriteria penilaian dan skema pemarkahan adalah seperti di **Lampiran J2**.

b) Sesi Soal Jawab

Tempoh sesi soal jawab untuk setiap kumpulan adalah selama **15 minit** untuk menjawab soalan-soalan daripada ahli panel penilai secara terperinci mengenai projek berdasarkan laporan yang telah dikemukakan.

9. TATACARA PENYERTAAN

- i. Setiap penyertaan hendaklah mengemukakan **Borang Penyertaan (Lampiran J3)** yang lengkap selewat-lewatnya **pada 31 Mei 2019** kepada:

URUS SETIA KUMPULAN INOVATIF & KREATIF (KIK) JKR MALAYSIA

Unit Inovasi Kejuruteraan
Bahagian Inovasi, Penyelidikan dan Pembangunan Kejuruteraan,
Pusat Kecemerlangan Kejuruteraan dan Teknologi JKR (CREaTE),
Jalan Kemus, Simpang Ampat
78000 Alor Gajah, Melaka.

No. Telefon: 06 – 551 2260 / 2269 / 2270

Emel: fadlizuha@jkr.gov.my / shahrilazizi.jkr@1govuc.gov.my

- ii. Selain daripada itu, setiap penyertaan juga perlu mengemukakan perkara-perkara berikut kepada pihak Urus Setia seperti alamat di atas **sebelum 31 Mei 2019**:

- a. **Empat (4)** salinan dokumen (*hardcopy*) berikut:

- (i) Ringkasan Eksekutif (**satu muka surat A4**)
- (ii) Dokumen Laporan Komprehensif Projek merangkumi
 - Latar belakang kumpulan;
 - Signifikan pemilihan projek;
 - Tindakan penyelesaian;
 - Keberhasilan projek (*outcome*) / impak projek; dan
 - Potensi pengembangan projek

*Had maksima laporan adalah **15 muka surat** tidak termasuk muka depan dan dokumen sokongan / apendiks tidak melebihi **35 muka surat**
- (iii) Slaid persembahan
- (iv) Gambar Prototaip/Sampel/Produk (saiz A4)

- b. **Satu (1) salinan** dalam bentuk elektronik (*softcopy*) perkara a(i)-a(iv)

- c. Format Laporan Komprehensif Projek

- (i) Arial Font
- (ii) Font Size – 10 (minima)
- (iii) Spacing – 1.15 (minima)

- iii. Kegagalan mengemukakan dokumen sepertimana dinyatakan di perkara 9 (i) dan 9 (ii) akan menyebabkan penyertaan dibatalkan